

VOORBIDDING:

Geroep Gewillig Gestuur



Wêreld: Kameroen, Sentraal Afrikaanse Republiek en Ekwatoriaal Guinee. Slagoffers van terreur en geweld regoor die wêreld. Die Midde-Oosterse onstabiliteit en oorlog, die uitklingeffek daarvan op die res van die wêreld en die slagoffers weens aanvalle en teenaanvalle. Die beëindiging van die oorlog in Oekraïne en die slagoffers van beide Rusland en Oekraïne. Willem en Alla van der Colff en die werk wat hulle in Oekraïne doen. Ntsiua Tsemene en die werk wat sy

in Malawi doen. Oplossings, planne en samewerking om aardverwarming se pas te vertraag en moontlik om te keer, asook om plastiekbesoedeling te verminder. Slagoffers van natuurrampe regoor die wêreld.

RSA & Dorp: Onderwys en Opleiding—universiteite, tegniese skole, leerkragte, studente en leerders. Al die uitdagings waarmee ons land sukkel in basiese onderwys sowel as verdere opleiding. Oplossings vir die hoë misdadigers, veral misdade teen onskuldige kinders en kwesbares. Bendegegeweld, taxigeweld en slagoffers en gevolge daarvan in gemeenskappe. Hoop vir mense in gemeenskappe wat onder erge droogte gebuk gaan. Oplossings vir ons land se energiekrisis asook water— en sanitasie uitdagings. Politieke stabiliteit in ons land en wysheid en samewerking in die regering van eenheid.

Gemeente & Kerk: Lidmate wat treur, siek en verswak is en diegene onder behandeling en aan die herstel. Dankbaarheid vir God se sorg. Gehoorsaamheid aan ons missie: Geroep, Gewillig, Gestuur. 'n Geseënde 3de kwartaal vir huisgesinne. 'n Geseënde Barmhartigheidsmaand in Augustus. Reëlins wat vlot verloop en entoesiasme vir ons Lentefees in September.

Woord van meegevoel: Bernabe Strydom (Paradyskloof Villas) is oorlede. Meegevoel met sy kinders. Meegevoel met Netta Strauss (Lovell) wie se broer oorlede is. Ons dink aan jou en jou familie in hierdie moeilike en hartseer tyd en bid vir vertroosting.

Baie geluk aan die volgende lidmate wat vandag verjaar: Sampie Booysen (Speciosa), Christoff en Pieter de Bruyn (Charme), Awie Greeff (Bergh), Johannes Koetsier (Alexander) en Jacques Steyn (Sonnedou).

BLY OP DATUM MET DIE GEMEENTENUUS PER WHATSAPP

072 462 1656

Stuur jou naam en van via Whatsapp na ons nommer hierbo en ons voeg jou by die groep!

Ons is 'n groen gemeente wat herwin!

In die vierkant by die houe, waar ons papier en glas herwin vir Huis Horison, is daar houe vir elektroniese en elektriese toerusting, asook vir energie-besparende gloeilampe, batterye en ou selfone. Jy kan selfs drukkers en ander rekenaar-toerusting wat stukkend is, of elektroniese speelgoed met batterye in, bring. Dan kan jy ook klere, beddegoed, handdoeke en lappe (in 'n goeie toestand) bring, skoon joghurt-houers (en ander skoon kosverpakings waarin Voedingsaksie kos kan bedien) en ook huishoudelike items in 'n goeie toestand wat op die Wit Olifant Tafel verkoop kan word of aan die ACVV se winkel, *Ampe Veniet*, geskenk kan word. Sporttoerusting en boeke is ook welkom.



Weekblad van Stellenbosch-Welgelegen Gemeente

WELWEEK

Christus is die Here!

Daarom wil ons mekaar in verhoudinge opbou
Om so sy groot opdrag uit te leef.



9 Augustus 2026

Koninkrykstyding

Jaartema:

SORG

Erediens 09:30

Tema Wees die een!

Skriflesing Genesis 37:1-4, 12-28

Prediker Elzanne van der Westhuizen



Diensterkers het weer werk om te doen

Die nuutste Welgelegener en inligting vir ons Lentefees sal Dinsdag 11 Augustus gereed wees in die vakkies vir die dienswerkers om te kom afhaal en in hul wyke te versprei. Baie dankie vir julle harde werk om hierdie belangrike inligting in die gemeente te versprei!



Moet oor niks bekommerd wees nie, maar maak in alles julle versoeke deur gebed en smeking met danksegging aan God bekend. *Fil 4:6*

Musiekkonsert ten bate van Geluksoord

Ondersteun asseblief Geluksoord se musiekkonsert op Saterdagmiddag **15 Augustus** hier in ons kerk. Musiekgroepe wat gaan optree is die Schwanzel Trio, kerkkoor van VVK Kylemore en Bloemhof Matrix 2026. Kaartjies kos R110 (sluit heerlike sop in) en is te koop by Quicket, ons kerkkantoor of by die deur. Die konsert begin 16:30 vir 17:00.



Lesotho-uitreik:

24 September - 3 Oktober 2026

Oud en jonk is welkom om saam op die uitreik te gaan. Kontak vir Braam Horn (braam.horn@mediclinic.com / 071 608 4398) as jou paspoort reg is en jy wil gaan saam werk. As jy klere en 'n sokkerbal het wat kan saamgaan vir die inwoners van Lesotho, kan jy dit kerkkantoor toe bring. Die span vra ook koekies, beskuit en vrugte om saam te neem.



ONS KANTOORURE is: Maandae - Vrydae van 08:00 tot 13:00

PROGRAM VIR DIE VOLGENDE WEEK: Maandag 10/08 tot Sondag 16/08

Ma 10/08		Vrouedag gevier (kerkkantoor gesluit)	
Di 11/08	10:00	Lentefeesinligting gereed in dienswerkers se vakkies om in die wyke versprei te word.	
	10:00	Biduur by La Clemence Klubhuis: Danie Goosen	
	18:00	Adminkomitee-vergadering: kerkantoor	
Wo 12/08	09:30 - 10:30	Geloofsgroei Byeenkoms (konsistorie): Almal is welkom! Danie Goosen is die aanbieder. Na die tyd kuier ons verder saam in die vierkant met 'n koppie koffie of tee.	
Sa 15/08	16:30 - 18:00	Musiekkonsert in die kerk (ten bate van Geluksoord)	
So 16/08	09:30	Koninkrykstyf	
	10:30	Erediens en Kategese: Danie Goosen	
	18:00	Kerkbiblioteek en Koinonia Kafee: in die vierkant	
	18:00	Tienerbyeenkoms: ontmoet Elzanne in die leeskamer	
	18:00	Diens by Bonheur: Danie Goosen	

Die deuroffer vandag gaan aan die Stellenbosch-Welgelegen Noodfonds: Hierdie fonds word aangewend vir gemeentedele wat onder kritieke geldelike nood verkeer. Die fonds word deur die gemeente se Adminkomitee bestuur.



Die deuroffer verlede week aan die ACVV was R1 510

Baie dankie!

Volgende week se deuroffer gaan aan Stellenbosch Voedingsaksie.



Betaal met SNAPSCAN
(onthou om 'n verwysing in te tik.)



Augustus = Barmhartigheidsmaand

Ons Barmhartigheidstema fokus op mense met voedselnood.

Die deuroffers gaan gedurende Augustus aan ACVV, Stellenbosch-Welgelegen Noodfonds, Stellenbosch Voedingsaksie, die Bybelverspreidingsfonds en die Bediening aan Dowes en NID.



Word deel van ons gemeenteprojek tydens Barmhartigheidsmaand om die groot voedselnood in die Stellenbosch gemeenskap te help verlig. Met ons 31 dae van gee-projek gaan ons probeer om al 9 houe vir die 9 organisasies te laat oorloop met nie-bederfbare voedsel. Die kratte en houe vir elke organisasie word elke week 'n bietjie voller - dankie vir elkeen wat al 'n bydrae gebring het!

Bankbesonderhede
Stellenbosch-Welgelegen NG Kerk (Nedbank)
Takno: 149821/198765 Rekno: 149 8046 320

NG Gemeente Stellenbosch-Welgelegen
Telefoon: 021 886 5975
E-pos: skriba@stelwel.co.za

Augustus = Barmhartigheidsmaand

Om 'n sukses van hierdie groot voedselinsameling te maak, is dit belangrik dat soveel lidmate as moontlik deelneem. Bring asb enige nie-bederfbare voedsel, bv droë pasta, sopmengsels, smere vir brood, koffie, tee, blikkieskos, ens (sien die onderstaande inkopielys). Hou hierdie lysie in jou handsak of beursie en elke keer wanneer jy inkopies doen, voeg een of twee van hierdie items by.



Indien dit vir jou moeilik is om by die winkel uit te kom, kan jy ook 'n spesiale inbetaling doen (met verwysing "Barmhartigheidsmaand") - ons sal dan die aankope namens jou doen. Vir navrae, kontak die kerkkantoor by 021 886 5975 of skriba@stelwel.co.za.

blikkie sardyne/pilchards	blikkie bully beef	blikkie tuna
blikkie baked beans	blikkie gemengde groente	blikkie tamatie-en-ue
blikkie ertjies	blikkie mielies	blikkie perskes
sonneblomolie	tamatiesous	grondboontjebotter
konfyt	Bovril/Marmite	macaroni/enige pasta
2-minute noodles	rys	poeier-/langewe melk
kitskoffie	Rooibos-/Ceylon tee	suiker
koekmeel	mieliemeel	kitsgis
ontbytppape	chicken/beef "stock"	soppoeier
droë sopmengsel	droë bone	droë lensies
droë ertjies	gort/barley	koring
tamatiepasta	koekies	sout/enige speserye

Lentefees 2026: omkring Saterdag 12 September!

Ons begin nou al die slapies af te tel na Saterdag 12 September vir ons groot Lentefees! Jy kan uitsien na al die ou gunsteling: ons begin met 'n Lenteloop om 08:30, verkope open rondom 09:30 en ons eindig met potjies, braaivleis én spitbraai rondom 13:00. Hou ons kommunikasie dop vir wanneer jy ete-kaartjies (vir potjiekos, braaivleis en spitbraai) kan koop. Die dienswerkers sal binnekort jou nuwe Welgelegener en Lentefees-inligting kom afgee. Intussen kan jy solank só betrokke raak en jou deel doen:



- * Sorteër kaste en laaie en bring skoon, heel en bruikbare huisware vir die **Wit Olifant Tafel**.
- * Toets solank jou gunsteling potjiekosresep en kom maak 'n lekker **pot vir 12 mense**.
- * Kyk uit vir oulike **Tombola-geskenkies** (selfs tweedehandse speelgoed, legkaarte en kinderboeke wat nog nuut lyk) wat kinderharte sal bly maak.
- * As jy daarvan hou om handwerk in alle vorme te doen en bereid is om van jou handwerk-items vir die **Handwerktafel** te skenk, sal ons baie dankbaar wees.
- * **Nooi** solank vriende, bure en familie om die dag saam te kom spandeer.
- * **Meel, suiker, kondensmelk en olie** as skenkings vir die pannekoektafel en gebaktafel is welkom.